



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : PRECIOUS BLOOD PRIMARY SCHOOL

学校名称 : 宝血小学

Name of Play 剧名 : 太阳花公主大战玫瑰花公主

Script writer 剧作者 : 王君杰 (校外导师)

Synopsis 故事大纲 :

花花宇宙将要选出下一任新女王，性格各异的太阳花公主和玫瑰花公主都为选举而竞逐。此时，花花宇宙的国王心脏病发，臭虫魔王欲乘机统治花花宇宙。为了医治国王，两位公主出发去寻找天山灵芝，究竟她们能完成任务吗？花花宇宙的命运将会怎样？

IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一场 选举大会

地点：皇宫

(音乐出)

(国王、皇后、大臣一、大臣二出场)

主持： 各位花花宇宙嘅子民，下一任嘅女王选举现在开始！有请我哋嘅太阳花公主同玫瑰花公主出场，究竟今次边一个会胜出呢？大家一齐睇吓啦！

(音乐出，一群美丽蝴蝶陪同两位公主出场和跳舞)

(两位公主撞在一起，之后打架)

主持： Cut! (音乐停)

(两位公主倒地)

太阳花： 玫瑰花妹妹，乜你又咁论尽架！

玫瑰花： 系你撞倒我先架！太阳花姐姐！

主持： 你哋一人少句啦！

国王： 你哋身为公主，竟然喺全国人民面前闹交，真系失礼死人！

主持： 国王、皇后，放心。我哋停咗机架嘞。跌倒嗰段会 cut 走架啦。

皇后： 蝴蝶仙子，你哋可以休息一下，辛苦晒。

(众蝴蝶走)

主持： 继续录像！（浮夸地）哗！哗！哗！头先个舞蹈表演真系非常精彩呀！不过好可惜两位公主都未能完成整只舞啲。所以今个回合，打和！想知边位公主能够成为新一任女王，请收睇下一集节目啦！收工！

(主持走)

太阳花： 吓？又打和？我仲谗住今次我会赢硬架啲。

国王： 你太天真啦，你根本无练习过呢只舞。

皇后： 相反，我知道玫瑰花公主练习咗好耐。

IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

- 太阳花： 但系佢头先惊到脚都震埋呀！（撒娇）Daddy、Mummy！
- 玫瑰花： 其实我对自己真系无咩信心……所以咪要再努力啲练习嘍……点知……
- 大臣一： 不过，玫瑰花公主头先临场表现真系有少少紧张啲。
- 太阳花： 我都话架啦！
- 大臣二： 不过，你头先喺度乱 kick 人先啲！
- 太阳花： 大胆！Daddy 呀，罚佢啦！
- 国王： 你哋两个唔好再胡闹啦！快啲练习只舞啦！
- 两公主： 系！
- (两位公主离开)
- 大臣一： 国王，咁好难搅架啲。下个月，我哋就要宣布下一任女王嘅人选。
- 国王： 我知，但系我呢两个女都好难拣得落手！一个就过份乐观，做事鲁莽又大意。
- 皇后： 一个虽然做事谨慎，不过就太悲观怕事。
- 大臣二： 乜佢哋两个会变成咁极端嘅！
- 大臣一： 咁有咩办法帮佢哋成长呢？
- 国王： 就搵肥田料啦！肥田料，你出嚟啦！
- (肥田料出场)
- 肥田料： 我系肥田料！陪你成长不可少！（摆有型 pose）
- 大臣二： 个名改得咁衰嘅？
- 皇后： 其实佢系一位人生导师，帮助花花宇宙嘅花朵健康成长。
- 肥田料： (把咭片给大臣一) 呢一张系我嘅咭片，我唔臭架！
(把咭片给大臣二) 呢一张系我嘅咭片，其实我个名系我阿妈改嘅！
- 国王： 你咪懒型先啦，快啲谗吓办法帮吓我两个女啦！
- 肥田料： (行来行去) 成长系要经过好多风雨嘅……
- 国王、王后、两大臣： 系嘅，之后呢？

IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

肥田料： 花开自然就会香气扑鼻……

国王、王后、两 唔……

大臣：

肥田料： 床前明月光……

国王： 停！同帮我个女有咩关系呀？

肥田料： 无架！

皇后： 咁你入到正题未呢？

肥田料： 谗唔到……谗唔到……呀！谗到啦！攞只耳仔埋嚟！（秘密地和国王及皇后耳语）

国王： 哗！听落就好精彩啦！

皇后： 我都好想知道佢哋会有咩反应呀！

国王： 大臣立刻行动！

两大臣： 遵命！

(国王、皇后、大臣一、大臣二、肥田料离开)

(音乐出，两大臣再出场，一名大臣拿出马粪，十分恶臭；另一位大臣拿出一条用钻石做的颈链。太阳花公主收到马粪，非常兴奋；而玫瑰花公主收到钻石颈链，感到十分担心。)

(国王、皇后、主持出场，音乐停)

主持： 今日呢个比赛项目，系睇吓两位公主面对唔同事物，佢哋会有咩反应。有请！

太阳花： 我收到父王送俾我嘅便便礼物，我真系开心到飞起呀！

主持： 吓？你肯定？

太阳花： 你睇，呢一督马屎几结实，色泽几咁靚，一睇就知系父王之前送比我嘅千里马嘅便便啦！

主持： 我第一次见到人收到便便开心成咁架！

太阳花： 我一向都好有信心架啦！